

**UDRUŽENJE GRAĐANA SPORTSKIH
RIBOLOVACA «BISTRO» ZENICA
ZENICA**



P R A V I L N I K

**O RADU KOMISIJE ZA ZAŠTITU I UNAPREĐENJE RIBLJEG FONDA
U.G.S.R. "BISTRO" ZENICA**

ZENICA, 2009. GODINA

Na osnovu člana 39. Zakona o slatkovodnom ribarstvu (Službene novine FBiH br. 64. od 20.11.2004. godine) i člana 24. Statuta U.G.S.R. "Bistro" Zenica, Upravni odbor udruženja na svojoj IV sjednici održanoj dana 19.03.2009. godine donosi:

P R A V I L N I K

O RADU KOMISIJE ZA ZAŠTITU I UNAPREĐENJE RIBLJEG FONDA UGSR "BISTRO" ZENICA

Član 1.

Komisiju za zaštitu i unapređenje ribljeg fonda (u daljem tekstu komisija) imenuje Upravni odbor U.G.S.R. "Bistro" Zenica. Komisiju čine 3 (tri) člana, a to su:

1. Predsjednik komisije;
2. Zamjenik predsjednika;
3. Član.

Član 2.

Predsjednik komisije mora biti član Upravnog odbora, a zamjenik i član komisije se mogu birati i iz redova članstva.

Član 3.

Komisija vodi nadzor rada ribočuvarske službe, kao i nadzor nad zakonskim korištenjem ribljeg fonda.

Član 4.

Komisija ima zadatak da u saradnji sa ribočuvarskom službom i nadležnim organima vrši:

- kontrolu ribolova na području ribolovne zone kojom gazduje udruženje;
- evidentira zagađenja na vodotocima i sa istim preko sekretara udruženja upoznaje nadležne organe;

- evidentira eventualne pomore i poduzima sve Zakonom predviđene radnje u cilju sankcionisanja počinilaca;
- sankcionisanje nezakonitog izlova ribe;
- evidentira i na zakonski način sankcioniše ugrožavanje riječnih korita;
- vrši sve ostale dužnosti propisane članovima 41., 42., 43., 44., 45., 46. i 47. Zakona o slatkovodnom ribarstvu;
- u slučaju potrebe komisija predlaže upravnom odboru zabranu ribolova (trovanje ribljug fonda, mal vodostaj i sl.).

Član 5.

Komisija je dužna da u pismenoj formi podnosi tromjesečni izvještaj o svom radu upravnom odboru.

Član 6.

Komisija je dužna da napravi godišnji izvještaj o svom radu koji u pismenoj formi preko Upravnog odbora podnosi Skupštini udruženja na razmatranje i usvajanje.

Član 7.

Zadatak komisije je da prije isteka tekuće godine napravi Program rada za narednu godinu koji će sadržavati i finansijske potrebe za realizaciju istog. Komisija Program rada dostavlja Upravnom odboru udruženja na razmatranje i usvajanje.

Član 8.

Prilikom vršenja kontrole članovi komisije moraju nositi vidno istaknute akreditacije. Akreditacije koje se izdaju:

1. Predsjednik komisije;
2. Zamjenik predsjednika komisije;
3. Član komisije;
4. Kontrolor.

Član 9.

Broj kontrolora komisije za zaštitu i unapređenje ribljeg fonda određuje komisija, a kontrolori moraju biti članovi udruženja.

Član 10.

Kontrolu rada komisije vrše članovi Upravnog odbora akreditovani karticom “ Kontrola Upravnog odbora”.

Član 11.

Prilikom poribljavanja vodotoka dužnosti komisije su:

1. Prisustvovanje poribljavanju;
2. Obezbeđenje obalnog prostora u toku poribljavanja;
3. Postavljanje vidnih oznaka: “Zabrana ribolova”;
4. Organizovanje čuvanja poribljenog prostora u vremenskom period koji odredi Upravni odbor.

Član 12.

Komisija je ovlaštena da legitimise lica na vodi i da u slučaju krivolova oduzima sredstva, pribor i dokaze koja su korištena prilikom krivolova. Ova ovlaštenja komisija ima uz asistenciju policije, a i prilikom vršenja kontrola bez policijske asistencije.

Član 13.

Prilikom oduzimanja sredstava, pribora i dokaza kojim je vršen krivolov komisija je dužna licu od kojeg je isti oduzet izdati zapisnik i potvrdu o privremenom oduzimanju, koji moraju biti uredno potpisani i ovjereni.

Član 14.

Zapisnik i potvrda o privremenom oduzimanju sredstava i pribora se pišu u tri istovijetna primjerka:

1. Prvi primjerak se izdaje licu od kojeg su oduzeta sredstva ili pribor;
2. Drugi ide u arhivu komisije;
3. Treći primjerak se dostavlja sekretaru udruženja koji je dužan u skladu sa članom 41. Zakona o slatkovodnom ribarstvu isti dostaviti nadležnom poljoprivrednom inspektor;
4. O oduzetom priboru komisija je dužna upoznati upravni odbor udruženja.

Član 15.

Sa privremeno oduzetim sredstvima, priborom i dokazima komisija ne može raspolagati sve do okončanja prekršajnog postupka ili postupka pred drugim nadležnim organom.

Član 16.

Nakon okončanja prekršajnog postupka iz člana 15. ovog Pravilnika na prijedlog komisije Upravni odbor donosi odluku o prodaji sredstava i pribora putem licitacije, uništavanju, darovanju ili zamjeni istog.

Član 17.

Komisija je ovlaštena da licu koje vrši ribolov bez dozvole privremeno oduzme pribor kojim je krivolov vršen, te da istom da rok od 2 dana da izmiri svoje obaveze prema udruženju (izvadi godišnju dozvolu, plati dnevni izlazak, plati obeštećenje ribljeg fonda po oštetnom cjenovniku). U ovakvim slučajevima komisija je dužna da postupi u skladu sa članom 13. ovog Pravilnika.

Član 18.

Lice kojem se vrati oduzeti pribor dužno je vratiti komisiji svoj primjerak potvrde o oduzimanju pribora.

Član 19.

U slučaju da lice kojem je pribor oduzet ne izmiri svoje obaveze u skladu sa predhodnim članom, komisija će postupiti u skladu sa članom 14. ovog Pravilnika.

Član 20.

Komisija ima dužnost i obavezu da protiv članova koji posjeduju dozvolu za ribolov, a prave prekršaje, podnosi prijavu Disciplinskom sudu udruženja.

Član 21.

Sve prijave prema višim institucijama komisija prosljeđuje preko sekretara udruženja. Sekretar je dužan komisiji dostaviti potvrdu o prosljeđenoj prijavi prema višim institucijama.

Član 22.

Prilikom akcije komisije članovi komisije imaju pravo naplate dnevnih izlazaka i kidanje talona iz ribolovnice. Naplaćena sredstva od izlazaka i uredno složene talone dostavljaju predsjedniku komisije.

Član 23.

Nakon što dobije novčana sredstva i otkinute talone predsjednik komisije je dužan:

1. Naplaćena sredstva predati sekretaru, koji ista polaže na račun udruženja;
2. Napraviti izvještaj o obavljenoj kontroli;
3. Otkinute talone uredno arhivirati.

Član 24.

Za realizaciju akcije komisiji pripadaju sredstva za prevoz i topli obrok u visini koju odredi Upravni odbor udruženja.

Član 25.

Komisija samostalno određuje u koje vrijeme, na kojem dijelu terenu i u kojem sastavu će vršiti akciju, a sva bitnija zapažanja je dužna evidentirati u dnevnik rada i knjigu izvještaja o obavljenim kontrolama. U slučaju potrebe upravni odbor može tražiti od komisije da izvrši vanrednu intervenciju.

Član 26.

Članovi upravnog odbora su dužni da se odazovu na poziv komisije i učestvuju u akcijama najmanje dva puta godišnje. Broj učesnika u akciji određuje predsjednik komisije.

Član 27.

Usvajanjem ovog Pravilnika prestaje da važi ranije donesen Pravilnik o radu komisije za zaštitu i unapređenje ribljeg fonda.



Zenica, 19.03.2009. godina

UPRAVNI ODBOR UGSR "BISTRO" ZENICA

PREDSJEDNIK UPRAVNOG ODBORA